



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՆԵՐՔԻՆ ԳՈՐԾԵՐԻ ՆԱԽԱՐԱՐՈՒԹՅԱՆ
ՓՐԿԱՐԱՐ ԾԱՌԱՅՈՒԹՅԱՆ ՏՆՕՐԵՆ-ՆԵՐՔԻՆ ԳՈՐԾԵՐԻ
ՆԱԽԱՐԱՐԻ ՏԵՂԱԿԱԼ**

ՀՐԱՄԱՆ

№ 1 -Լ

«23» 01 2023թ.

ք. Երևան

**««ԳԵՈՊՐՈՄԱՅՆԻՆԳ ԳՈԼԴ» ՍՊԸ-ԻՆ ՊԱՏԿԱՆՈՂ ԱՐԱՐԱՏԻ ՈՍԿՈՒ
ԿՈՐԶՄԱՆ ԿՈՄԲԻՆԱՏԻ ՊՈԶԱՄԲԱՐԻ ՊԱՏՎԱՐԻ ՓԼՈՒԶՄԱՆ ԴԵՊՔՈՒՄ
ԱՐԱՐԱՏ ՔԱՂԱՔԻ ԲՆԱԿԶՈՒԹՅԱՆ ՊԱՇՏՊԱՆՈՒԹՅԱՆ ԿԱԶՄԱԿԵՐՊՈՒՄԸ
ԵՎ ԻՐԱԿԱՆԱՑՈՒՄԸ» ԹԵՄԱՅՈՎ ՇՏԱԲԱՅԻՆ ՈՒՍՈՒՄՆԱՎԱՐԺՈՒԹՅԱՆ
ՆԱԽԱՊԱՏՐԱՍՏՄԱՆ ԵՎ ԱՆՑԿԱՑՄԱՆ ՄԱՍԻՆ**

Ղեկավարվելով «Փրկարար ուժերի և փրկարարի կարգավիճակի մասին» Հայաստանի Հանրապետության օրենքի 9-րդ հոդվածի 4-րդ մասով, «Հայաստանի Հանրապետության Արտակարգ իրավիճակների նախարարի 2020 թվականի հունվարի 13-ի N 23-Լ հրամանով հաստատված Արտակարգ իրավիճակների նախարարության (այսուհետ՝ ԱԻՆ) Փրկարար ծառայության կանոնադրության 20-րդ կետի 5-րդ ենթակետով՝

Հ Ր Ա Մ Ա Յ ՈՒ Մ Ե Մ

1. Արտակարգ իրավիճակների նախարարի 2022 թվականի նոյեմբերի 15-ի թիվ 1308-Լ հրամանով հաստատված «Արտակարգ իրավիճակների նախարարության Փրկարար ծառայության 2023 թվականի հիմնական միջոցառումների պլան»-ի հավելվածի 1.2.1 կետի կատարումն ապահովելու նպատակով 2023 թվականի մարտի 29-ին ՆԳՆ ՓԾ Արարատի մարզային փրկարարական վարչությունում անցկացնել ««Գեոպրոմայնինգ Գոլդ» ՍՊԸ-ին պատկանող Արարատի ոսկու կորզման կոմբինատի պոչամբարի պատվարի

փլուզման դեպքում Արարատ քաղաքի բնակչության պաշտպանության կազմակերպումը և իրականացումը» թեմայով շտաբային ուսումնավարժություն (այսուհետ՝ ՈՒ-սումնավարժություն):

2. Ուսումնավարժության ղեկավար նշանակել ՆԳՆ Փրկարար ծառայության բնակչության պաշտպանության և աղետների ռիսկի նվազեցման վարչության պետ, փ/ծ գնդապետ Գուրգեն Մարտիրոսյանին:

3. Ստեղծել ՈՒ-սումնավարժության ղեկավարման շտաբ և շտաբի աշխատանքային խմբեր՝ հետևյալ կազմերով՝

1) ՈՒ-սումնավարժության ղեկավարման շտաբի պետ-ղեկավարի տեղակալ՝ ՆԳՆ Փրկարար ծառայության բնակչության պաշտպանության և աղետների ռիսկի նվազեցման վարչության տեխնաժին վթարների բաժնի պետ, փ/ծ գնդապետ Նվեր Մարգարյան.

2) խաղարկման խումբ՝

ա. ՆԳՆ Փրկարար ծառայության բնակչության պաշտպանության և աղետների ռիսկի նվազեցման վարչության տեխնաժին վթարների բաժնի ավագ հրահանգիչ, փ/ծ փոխգնդապետ Մհեր Բաբաջանյան (խմբի ղեկավար),

բ. ՆԳՆ Փրկարար ծառայության բնակչության պաշտպանության և աղետների ռիսկի նվազեցման վարչության տեխնաժին վթարների բաժնի հրահանգիչ, փ/ծ կապիտան Անահիտ Գալստյան,

3) վերլուծության նախապատրաստման խումբ՝

ա. ՆԳՆ Փրկարար ծառայության Արարատի մարզային փրկարարական վարչության բնակչության պաշտպանության բաժնի անձնակազմ:

4. Ուսումնավարժությանը ներգրավել՝

1) ՆԳՆ Փրկարար ծառայության Արարատի մարզային փրկարարական վարչության ծառայողներին,

2) Տեղական ինքնակառավարման մարմինների ներկայացուցիչներին (համաձայնությամբ),

3) Պոչամբարը սպասարկող կազմակերպության ներկայացուցիչներին (համաձայնությամբ):

5. Ուսումնավարժության ղեկավարման շտաբի պետ-ղեկավարի տեղակալին՝ ապահովել ուսումնավարժության անցկացման փաստաթղթերի ժամանակին

մշակումը և մինչև ս.թ. հունվարի 27-ը ներկայացնել հաստատման՝
ուսումնավարժության ղեկավարին:

6. Սույն հրամանի կատարման նկատմամբ հսկողությունը վերապահում եմ
ինձ:

7. Հրամանը հայտարարել ըստ առնչության:

Недействительная подпись

X 

ԿԱՍՈ ՑՈՒՑՈՒԼՅԱՆ

Подписано: TSUTSULYAN KAMO 1201730260

Կ. ՑՈՒՑՈՒԼՅԱՆ